



Шочмо эл, порывлык да гын веер!

50-ше (3334) №,
2017 ий 9 декабрь,
шуматкече.

ЯМДЕ ЛИЙ

0+

1933 ий 1 февраль годсек лектеш.

Шергакан марий калык!

Марий Мер Кангаш лум
дене Тиште кече дене
саламлем.

Икымше книга гыч тунгалын, тачысе кече марте шочмо йылмына пойдаралт толеш. Кызыт марий йылме дене могай гына книга, мутер возалтын огытыл?! Тидыже калыкнан шерге поянлыкше улмым пенгыдемда. Кугезына-влакын арален кодымо йылмышт дене яндарын мутланыше, сылнымут мастар-влакын пашаштым, тыгак савыкталт шогышо газет ден журнал-влакым лудшо марий еным марий калыкын поян енжылан шотлаш келшен толеш.

Шочмо йылмына эшеат куатле лийже манын, ме, марий-влак, утларак тыршышаш улына. Икшывынам марла кутыраш, возаш туныктышаш улына. А йоча-влаклан марий писатель Тыныш Осыпyn сугыньжым ойлынем: «Шочмо йылмым орканыде тунемза! Тендан илишыштыда, коштмо корныштыда шочмо йылме шке вержым налын шогыжо. Тудлан эре шуман лийза!»

Марий Онъыжа
Эдуард АЛЕКСАНДРОВ.

КНИГАГУДЫШ

ВАШКЫЗА!



10 декабрь -
Марий тиште кече

Мый нылымше классыште тунемам. Ялысе книгагудыш чучкыдын коштам (снимкыште). Тушто библиотекарь Ирина Милютина куанен вашлиеш. Коктын редакцийышкыда электрон серышым колтышна. Ынде «Ямде лийым» эре лудаш тунгалам. Книга - шинчымаш памаш. Книгагудысо полкаште книга-влакым кычалаш йоратем. Кажныже мылам онай чучеш. Налме книга-влакым мый арален кучылтам. Пеленем Серёжик шольым коштеш. Тудо машина суретан книга-влакым поснак йората.

Жанна ПИРОГОВА.

Кужэнгер, Шорсола.

1-10
декабрьыште
подписке
декаде эрта!
«Ямде лийын»
акше:
259 тенгеат
98 ыр.


Лотерей
модышыш
ушныза!
Подпискым
ыштыме нер-
ген квитан-
цийым але
копийжым
редакцийыш
колтыза.

Тун приз -
СКЕЙТБОРД.
Моло чапле
полк-влак:
100 чупа-
чупс, устембал
модыш, чай-
горка,
энгывоштыр,
книга -
модалтыт.

«Ямде
лий» - сай
газет!



Увер выр-выр



Сенгыше-влакым 10 декабрьште, Марий тиште кече пайрем годым, палемдат.

Марла чын возена

6 декабрьште Йошкар-Олаште, республикын түрлө районштыжо Марий тиште кечылан пӧлеклалтше «Марла чын возена» диктантым визымше гана возеныт. 2013 ийыште 200 наре ен шинчымашыжым терген гын, ўмаште ик тўжем утла ен возен. Тений – 1500 ен.

– Шошо ага пашам мучашлымеке, чевер кенжеж кечын Пеледыш пайремым рўжге эртарена гын, кызыт, лум вочмеке, теле кас кужеммеке, книгаг лудаш келшыше жап толын шуын. Лач тыгодым Тиште кечым палемдена, – Марий кугыжаныш университетыш диктантым возаш погынышо-влакым Марий Эл Республик Вуйлатышын икымше алмаштышыже М.З.Васютин саламлен.

Л.ГРИГОРЬЕВА.

Снимкыште:
Данила Скиданов.

Диктантым серымашке эсогыл Японийыште илыше-влакат ушненыт.



Пӧтъял кыдалаш школыштат Марий тиште кечылан пӧлеклалтше диктант эртаралте. Возымашке 8-10-шо класслаште тунемше-влак уло кумылын ушнышт (**снимкыште**). Ўдыр-рвезе-влак шке пашашт гоч марий йылмым йӧратымыштым ончыктышт. Эн сай возышо 9-ше классыште тунемше Ева Максимова ден 8-ше классын тунемшыже Максим Уртъев лийыч.

Т.В.ИВАНОВА, туныктышо.
Волжский район.

1 гыч 10 декабрь марте республикыштына Инвалид-влакын декадышт эрта.


Волжский район Сотнур гыч кўшыл категориян педагог А.А.САПАЕВ тыгай ўжмаш дене лектын: «Кӧн кумылжо уло – эмганыше тазалыкан марий ўдыр-рвезылан «Ямде лий» газетым пӧлеклыза!»
Анатолий Александрович икмыняр черле йочалан подпискым ыштен. Театр поро пашаш ушныза!

Марий Элыште 67 тўжем инвалид ила. Тышеч кок тўжемаат пелыже – йоча.

Таумутна

Туныктымо пашан ветеранже **Лидия ИВАНОВНА СЕМЕНОВА**

Морко район Энерсола школыш вич экземпляр «Ямде лий» газетлан подпискым ыштен. Газет-влак 2018 ий январь гыч мият.



Марий Элысе школлашке 27 у автобусым конденым.



ЭЧУК: Пампалче, 2017 ий Экологий идалыклан шотлалтын, тудо мучашлалтеш.

ПАМПАЛЧЕ: Туге. Тиде идалык мучко ме коктын пўртўс дене кылдалтше шуко онгай фактым пален налынна, Марий Элысе памаш-влакын вўдыштым подылынна, пўртўс заповедниклам ужын коштынна. Тый палет, 2018 ий могай идалык?

ЭЧУК: Пале-ем! Эрвел гороскоп почеш – Пийын идалыкше!

ПАМПАЛЧЕ: Ох, Эчук! 2018 ийым Волонтерын идалыкше семын увертарыме.



Курчак театрыште

«Шонымашет шукталтеш гын, пиалан лият», – маныт. Мият ынде шкемым пиаланлан шотлен кертам. Молан? Каныш кечын ме Республикысе курчак театрыш миен улына. Эше тоштерыш пурышна. Туштыжо могай гына курчак уке! Театрыште «Золотой ключик» йомакым ончышна. Даша акам, Кристина йолташ ўдырем да мый кидым рўж совышна. Вес гана каяш эше кумылем лекте.

Маша ОРАЗАЕВА.
Морко, Унчо.



Театр пеш чапле податыште верланен. Йомакыш логалметла веле чучеш.



Кызыт ужалымаште йоча-влаклан школышто кучылташ келшыше у сынан түрлө тунемме ўзгар уло. Нуным кокла гыч иктыже – «возо-ўшт» («пиши-стирай») ручка. Мо дене вара тудо йочан кумылжым савыра? Шариковый ручка дене танастарымаште тиде ручка дене возымым ўшташ лиеш. Икымше классыште тунемшылан полышым пуэн кертеш дыр. Вет йоча туныктышын ончыктымж семын вигак арун возен ок керт. Вара ача-ава-влак вурсат, туныктышо йошкар чиян ручка дене йонгылышым тёрлата, тунемше шўлыканеш.

Тыгодым йоча ўштшө ручкалан энгертен кертеш.

Т.А.КОНАКОВА,
туныктышо
(Шернур, Кукнур):

«Тыгай ручка шергакан да чыла вере налашыжат от му. Ялысе кевытыште ужалымаште ужынат омыл. «Возо-ўшт» ручка дене икшыве йонгылышым лўдде ышташ тўналеш. Тыге айда-лийже койшыжо виянеш. Тиде сайжак огыл. Вес могырым, ручкан пайдажат уло: тунемшылан тетрадьшым арулыкышто кучаш полша, амырчык пале-влак огыт лий».

**Кугурак клас-
слаште тунемше-
влакат**

«ВОЗО – ўшт» ручкалан куанат: мўнгысö пашаште йонгылышым колтымеке, уэш-пачаш возаш ок күл, вигак тёрлаташ йон уло. Тергыме пашам возымо годым, туныктышын шинчашкыже логалде, йонгылышым корондаш лиеш.



У ручка: мо дене пайдале?



**Н.И.ПЕТРОВА (Йошкар-Ола, 15-ше номеран
школ):** «Мый 4-ше классым (снимкыште) туныктем. Тыгай ручка дене ме огына пайдалане. Мый тиде ручкан күлешлыкшым ом уж. Тиддене ача-ава-

влакат келшат. Икшыве «Ай, йонгылыш возем гынат, ручка ўштеш» манын шонен кертеш. Тыге йочан тыршымашыже йомеш, арулык шагалемеш. Кажне икшывын арун возаш кумылжо лийшаш. Йонгылыш лиймеке, карандаш дене арун удыралын тёрлыман. Йонгылышым колташ огыл манын, черновик дене пашам ыштыман.

Южгунам йоча, ўштшыж-ла, тетрадьшытыже рожым ышта. Диктантым возымо годым, ўштын шинчен, жапым веле йомдара.

Л.ГРИГОРЬЕВА ямдылен.

Салам дене Звенигово район Кужмара школын 2-шо «А» классыште тунемше-влак вашкат. Ме йоратыме газетнам лудшаш урокышто чўчкыдын кучылтына.



Шушаш У ийлан изи модыш пий-влакым ыштышна. Туныктышына Э.О.Васильева полшен. Шке кид дене ыштыме модыш-влак мыланна пеш келшенят. Нуным шольо-шўжарланна пөлеклена.

Ожно ўштыш олмеш кинде нўнчыкым кучылтыныт.



200 ияш карандаш

Ик кечын уло класс дене йоча библиотекеш мийышна. Ўштышын, линейкын, карандашын историйыштым пален нална. Нине тунемме ўзгар-влаклан 200 ий темын. Нуным Францийыште ыштен луктыныт.

Тўтан мардеж годым пушенге камвочмеке, графитым муыныт. Но тунам тиде графит манын пален огытыл. Шўй шоненыт да шорыклан палым ышташ кучылтыныт.

Ваня ЯКОВЛЕВ.
1-ше номеран Морко школ.

Шанчыен-влакын шотлен лукмышт почеш, ик карандаш дене 55 менге кужытым возаш лиеш.





Юнармеец улына

Нине ўдыр-влак Йошкар-Оласе 21-ше номеран школышто тунемыт. «Икар» военно-патриотический клубыш коштыт. Кузе тушко логалыныт? Палме лийза.



Теве Марина Огорельшевалан парашют спорт изинек палыме. Аваже, Александр изаже – чыланат тӧрштылыныт. Сандене кадет ўдыр «Икар» военно-патриотический парашют клубыш вигак возалтын. Кызыт – клуб вуйлатышын эн кугу польшыкалышыже. Д-1-5У парашют дене шым гана тӧрштен. Тыге парашют спорт дене 3-шо разрядын нормативным шуктен.

– Мыйым «Зарница» модмаш дене танасымаш годым школын командышкыже ўжыныт. Икмыняр тылзе гыч капитанна йынгыртен да парашют клубыш кумулан-влакым погымо нерген увертарен. Мӧнгыштӧ ача-авамлан каласышым, нуно тореш ышт лий. Тыге мый клубыш логалынам.

Ондак теорий дене шинчымашым налынна, вара парашютым рончаш-погаш тунемынна. Кум-ныл арня гыч, 22 июньшто, икымше гана тӧрштенам, –

каласкала Евгения Головатюк (снимкыште).



– «ЮНАРМИЯ» всероссийский йоча да юношеский военно-патриотический мер толкынын Марий Эл Республикысе регион пӧлкажын II съездшым почмо годым кадет-юнармеец Огорельшева республикысе ЮНАРМИЙЫН знамяжым нумал кайыше колонным вуйлатен. Шаралтыме флаг воктене фотографироватлалтын. Тиде кугу чап, – оила Марий Элысе

«Юнармия» штабын начальникше А.Я.Мухачев.

Марина «Отличный стрелок» значок дене палемдалтын. ГТО физкультур да спорт комплексын нормативным ўшанлын шукта. Ачаже Александр Анатольевич семын тудо ВДВ-шник лийнеже, Рязаньысе военный академияш тунемаш пураш ямдылалтеш.

Н.СЕМЕНОВА.

Йолташыже лүмеш



Школышкына Чебоксар ола гыч спецназовец да мурызо А.Е.Мингалев толын. Тудо Чечня сарыште кок гана лийын. Пырля служитлыше-влак нерген каласкалыш. Мурым

«Те элын ончыкылык аралтышыже улыда. Тидлан шкендам изинекак ямдылаш кўлеш, физически пенгыде лийман», – мане А.Е.Мингалев.

мурыжо Афган сареш вуйжым пыштыше лишыл йолташыжлан пӧлеклалтын.

У Торъял, Кузнеч. Максим ИВАНОВ.

Кугешнем

Кочам Изосим Игнатъевич Игнатъев 1932 ий 3 майыште Морко район Шўргыялыште шочын. Кугу Отечественный сар тўналме годым тудлан 9 ий темын. 1943 ийыште ныл классан школым тунемын лектын. Неле жап лийын. Кочам кўтўм кўтен, пасушко тырмалаш, солаш, ўдаш коштын. Сар пытымек, 1951 ийыште Тула олаште, Юж десант войскаште, служитлен. Туштак машинам вўдаш тунемын. Арми гыч толмек, ондак «Борец», вара «Авангард» колхозышто 1994 ий марте пашам ыштен. 2006 ийыште кочае мын илышыже кўрылтын. Мый тудым сайын шарнем.



Клавдия ИГНАТЬЕВА.
Морко, Шўргыял.

Эрвел тӧрза



Марий калыкна тӱня мучко ила манаш лиеш. А Российын кандаш регионоштыжо марий-влак тӱшкан илат. Марий Элысе семынак марий ял-влак улыт, тушто марий йоча-влак кушкыт. Ик тыгай ял

Одо кундемысе Алнаш районышто верланен. Рушлаже - Мари-Гондырево, а верысе калык «Одо ял» манеш.

Марий Эл ден Удмурт республик-

ла коклаште пел тӱжем наре менге гынат, «Ямде лий» газет дене йоча-влак пенгыде кылым кучат. 2016 ийым иктешлыме почеш В.Б.Исенеков лӱмеш премийым лач Одо школын юнкор кружокшо сулен. Каласен кодыман: Валентин Борисовичат - Одо кундемын эргыже, Шопкер ял гыч, редакцийыштына коло ий утла, пытаргыш кечыже марте, тыршен.

Диплом ден кубокым да «Ший памаш» фондын (вуйлатыше - В.Краснов) пумыо пӧлекым лауреат-влаклан намиен шукташ шукерте огыл йӧн лие. Кодшо арнян Удмуртийыште Марий тӱвыра кече-влак эртышт.

Марий Эл гычат кугу делегаций миен. Йошкар-Ола артист-влак

Грахово селаште концертм ончыктышт. Лач тиде концертыште залыш погынышо калык ончылно Л.А.Макаровалан сулен налме премийыштым кучыктышна.

Саламлышна!

Одо ялыште школ уло. Тушто йоча-влак марий йылмым да литературым тунемыт. Сылнымутлан шӱман-влак юнкор кружокыш коштыт. Ава семын нуным туныктышо Людмила Анатольевна Макарова йырже поген.

А.ЭМАНОВА.

Марий калыкем

Лапкашор ялыштына марий калык ила. Мемнан марий йылмына - мӱндыр кугезына-влакын пуэн кодымо пӧлекышт.

Марий йылмым пагалаш, аклаш туныктышына Любовь Миконовна кумыланда. Тудо ялысе йоча-шамычым пеш шукулан туныкта: мураш, кушташ, икте-весым пагалаш, ача-авам жаплаш. Тудо мемнан яллан пеш шуко ыштен. Калыкыште ойлат: «Поро паша кок ӱмырым ила». Любовь Миконовналан пеш кугу таум каласем.

Эвелина ФАЗЛЫЕВА.

Пошкырт, Илиш, Базитамак.

Мыланем лу ий темын. Нылымше классыште тунемам. Ешыште нылытын улына: ачам, авам, акам да мый. Ачам Йӱдвелне

пашам ышта. Тудо нефтяник, пашаже пеш неле. Авам ялыштына кевытыште пашам ышта. Акам Ижевскыште Удмурт кугыжаныш университетыште кумшо курсышто тунемеш.

Катя ИШМАНОВА.

Татарстан, Агрыз, Кадрек.

Сай ешна



Пайрем келшен



Кокымшо классыште тунемше-влак Аван кечыжым палемденна. Туныктышына Светлана Александровна Алексеева дене пырля марла куштымашым, мурым да почеламут-влакым тунемынна. Эрге-влак «Весела кок комбо» мыскара куштымашым ончыктеныт. Пайремыш толшо авана да кована-влаклан пӧлекым кучыктенна.

Ксения ИРКАБАЕВА.

Пошкырт, Мишкан, Чорай.

Йылме пеледышым лого

«Марий тиште» темльм иктешлыше заданий-влак

1 Мут-влакым лудса да шарнен кодса.
Тиште - письменность, **тамга, пале** - знак, **марий тиште** - марийская письменность, **олыкмарий йылме** - луговой марийский язык, **курыкмарий йылме** - горномарийский язык, **ойыртеманлаш** - отличаться, **марий тўр** - марийская вышивка, **онашке сўретлаш** - рисовать на доске, **акрет годсо** - очень древний, **шараш** - распространять, **кельштараш** - приспособить.

3 Чын вашмутым ойырыза.
1) «Марла календарь» - тиде
а) газет; б) журнал; в) альманах.
2) «Марла календарьын» лекме жапше:
а) 1907-1913 ийла; б) 1907-1914 ийла; в) 1907-1915 ийла.
3) «Марла календарьым» луктыныт:
а) С.Г.Чавайн, В.М.Васильев; б) С.Г.Чавайн, П.П.Глезденёв; в) В.М.Васильев, П.П.Глезденёв.
4) Кугу верым «Марла календарьыште» налыныт:
а) фольклор произведений-влак; б) сылнымутан произведений-влак; в) публицистике сынан статья-влак.

4 Вашмутым пуыза.
X «Тиште, тамга» мут-влак мом ончыктат?
X Икымше кусарыме «Отче наш» кумалтыш мут кушто да кунам лектын?
X «Описание живущих в Казанской губернии языческих народов, яко то черемис, чуваш и вотяков» лўман книгагм кў возен?
X Икымше марий грамматике кушто да кунам лектын? Тудын авторжо кў?
X Икымше марий книга кузе маналтын да кунам савыктал-тын?
X Икымше марий алфавитын авторжо кў? Алфавит кунам лектын?
X Икымше марий букварьын авторжо кў? Букварь могай ийыште лектын?

5 Кўмыт улыт? Портрет-влак йымалан возыза.



6 Термин-влакым умылтарыза.
Литератур йылме - _____


Орфографий - _____

Орфоэпий - _____

Марий тиште пайремыш ўжмашым возыза.
Праздник будет в актовом зале школы 10 декабря, в субботу, начало в 10.00.

7

Кўжкшў категориян туныктышо, Россий Президентын грантшым кок гана налше, Россий Федераций общий образованийын почётан пашаенже, Йошкар-Оласе 21-ше номеран шко-льшто кугыжаныш марий йылме урокым вўдышў О.Н.ВАСЕНИНА ямдылен.



2 Предложений-влакым ыштыза.
1. 1867 ийыште _____ святитель Гурийын братствыже пелен кусарыше комиссий пашам ышташ тўналын. **в городе Казань**
2. Комиссий _____ кугун тунемше Н.И.Ильминский лийын. **руководитель**
3. Кусарыше комиссий 1867 ийыште _____ курыкмарла савыктен. **первый марийский букварь**
4. Тудын авторжо Иван Кедров _____ **лияш (Испр., 2 прош. вр.)**
5. 1870 ийыште _____ букварьым Гавриил Яковлев савыктен. **на луговом марийском языке**

Урокым тўрысnek муын кертыда:
vk.com/yamde_lii
ok.ru/yamdelii



21-ше мур



Тиге
мурышто
Түкан
Шурын
үдыржә,
мотор
Унавий,
гене палы-
ме лийына.
Унавийым
изинек оза
пашалан
туныкташ
ачаже
пүгыр лок-
тызо кубым
лүмын
конда.

Лийже үдырын ий шүмжө,
Кү гай пейгыде да йүштө.

Тиде сонарзе - Акмазик. Тудо Унавийын аваже кузе калымо нерген каласкала.

юарлен модмышт годым каванлам шалатыл кышкеныт, сусла-влакым сүмыреныт, Түкан Шурын вакш шулдыржым налын кудалтеныт. Түкан Шур моткоч шыдешкен, полмезе-влакым туныкташ шонен пышта. Икшывыже-влакын шортмыштым колын, Мардеж Юмо Түканым кычалаш пижеш, но ок му. Тунам ош тўнян ныл вечынже озыркан мардеж шольыжо-влакым үжеш. Тыге тўнясе калык шучко жап толмым шижеш.

Акмазик ден Унавий икте-весештым йоратен шындат. Но үдыр умыла: ачажлан көра нуно пиалан лийын огыт керт. Сонарзе керде деч посна Түкан Шур ваштареш тарвана, тудын деке моло-влак ушнат.

Капка ончык погынышо шыде калык деке Түкан Шур лектеш. Акмазик ойла:

Унавий умыла, Акмазикым ачаже пушташ ямде, локтызо кува деке куржын колта, полшаш йодеш. Но тудынат Түканлан вийже ок сите. Тунам Унавий юзо виян чар чондай нерген шарналта, Умбақыже...

Таче чылт өрмашым ужо
Ты монча: кузе ик үдыр,
Тыманмешке чулым йосыш
Савырнен, тунамак шыле
Олымбал йымак, эн лукыш.
Түкан Шур мончашке тольо,
Олымбак вургемжым опыш.
Мүшкыр вач кугу чондайжым -
Муно чар калтам - кудаше
Да вургем йымаке шылтыш.

Опкын Түкан Шур урмыжалта, шўчан тулвуйым йос почеш кудалта - чондай кишан чырала ылыж кая. Кум йўд, кум кече тул менге шога, тыге Түкан Шурлан да шучо саманлан мучаш толеш.

Мучаш.

«ЮГОРНО»
эпос почеш

Автор-влак:
Анатолий СПИРИДОНОВ,
Анатолий МОКЕЕВ
(марлагден).

Но Унавийын поро кумылжо куван юалге шўмжым левыктен, үдырым поро ю пашалан веле туныктен. Унавий, ош кеде лийын, чодыраште чонештылын. Икана лөдыш логалеш, сонарзе тудым утара да мөңгыжө конда, тудо пырчымы пукша, сусыржым пидеш.

Виш окна гыч лужтын веле -
Тўжалтен омсашке үдыр.
Тымарте тыгай моторым
Але ужын огыл рвезе.

Мардеж Юмын 22-шо мур
икшывыже-влак

«Толынам мый калык дене -
Налаш каргыме чоңетым!
Конденам мый колымашым,
Озырканлан, шем олпотлан!»



Пөрдө-пөрдө да чондайым
Руалтен - омса лондемыш!

Мурызын шомакше пытыш. А мурылан мучаш огеш лий! Кө вара тиде йолешкыже?

Мый, Салий, марий айдеме -
Важык Нер лўм дене коштшо!

Ф. ЛЕБЕДЕВАН сүретше-влак.



Теле толын,
лум лумеш.
«Лек уремышке!» – манеш.
Рүж ме ечым чийышна,
Мунчалташ ме
кайышна.

Медведево район
У Арбан йочасадын ньогаже-влак.
И.СЕМЕНОВАН фотожо.

30	4	44	13	34	11	24	8	29
41	12		25	36				
6	28	32	47	38	5	2	15	49
21	39	27	18	50	45			23
								7
33	10	46	16	37	20	48	31	42
	19			3	43			
51	1	14	40	26		35		9
22				17				



Шольыда але шўжарда
цифр-влакым палат? Тугеже
икте гыч витле марте писын
ончыктышт.

Палыза



Ончалза: тиде ...
Йыргешке да могай
мотор!

Чевержым мый поген
налам,
Ужаргым вучалташ ала?

Рината ВОРОБЬЕВА.

Тиде ... ош(о) йыргешке,
Почшо вичкыж, колян гай.
Ом лук кугурак лиймешке:
Тек кушкеш да тўвырга.

**Аделина
АЛЕКСАНДРОВА.**

**1-ше номеран
Морко школ.**



Йүштö Кугызан пöлекше

У ий пайремым кажне йоча вуча. Кожым сöра-старена, Йүштö Кугызалан серышым возена. Мый ўмаште туддеч 20 книгаг пöлеклаш йодынам. Серышем кож йымаке пыштенам. Эрдене кынелмеке, кож йымаке ончалынам – тушто кок книга да серыш киеныт. Тыге возымо: «Кокыт сита, пеш шуко йодат». Теве тыгай мыскараче Йүштö Кугыза.

Сева НИКИТИН.
Кужэгер, Шўдымарий.



Конкурс

«Палыза, кө мый улам!»

У ий костюм конкурс.

У ий койын лишемеш.

Школыштыда вашке бал-маскарад,
ёлка эртаралташ тўналыт. Кодшо ийлаште могай
костюмым чиенда? Фотом редакцийыш колтыза.

**Эн онай костюмлан – Йүштö
кочан мешакше тич кампетке.**



**30 ноябрьыште писатель Николай АРБАНЫН
(Деревяшкинын) шочмыжлан 105 ий темын.**

- Н.Арбан шымияш школым кушто тунем пытарен?
а) Краснококшайскыште; б) Йошкар-Олаште;
в) Козьмодемьянскыште; г) Москваште.
- 1932 ийыште Н.Арбанын икымше произведенийже
могай журналеш савыкталтын?
а) «У вий»; б) «Ончыко»; в) «Пионер йўк»; г) «Марий ял».
- «Кенез йўд» комедий М.Шкетан лўмеш драмтеа-
трыште мыняр гана ончыкталтын?
а) 500 гана; б) 600 гана; в) 700 гана; г) 10 гана.


В.СМИРНОВ.

Палаш огай

Йўдвел пўчö-
влакын шинча
тўсышт идалы-
кын пагытшы-
лан келышышын
вашталтеш.

Кенезым,
кечан кечыште,
шöртнö тўсан
лиеш, телым –
кандалге.

П ў ч ö - в л а к
коклаште изи
кайык шылын.
Кушто тудо?
Кычалын муза.



Индекс: Марий Элыште,
Пошкырт ден Татарстан
кундемлаште – П4696.
Тираж 1000 экз. Заказ 2540.
Формат – А-4-8.
Директор-тўн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

выктыме. Типографийын

УЧРЕДИТЕЛЬ-ВЛАК:

Марий Эл Республикы-
се культур, печать да
калык-влакын пашашт шо-
тышто министерстве, «Ям-
де лий» газет» кугыжа-
ныш унитарный казенный
предприятий.

Газетым редакцийыште погымо да верстатлыме,
«СТРИНГ» ИПФ ООО-што ямде оригинал-макет гыч са-
адресше: 424006, Йошкар-Ола, Строитель урем, 95.

Газетым Массовый коммуникаций
сферыште да культур наследийым ара-
лымаште законодательством шуктен шо-
гымым эскерыше Федеральный службын
Приволжский федеральный округысо уп-
равленийыштыже регистрироватлыме.
Номер – ПИ №ФС 18-1999,
2005 ий 10 февральыште
пуымо.

0+

Печатьыш пуымо жап – 14-00,
фактически – 13-00.
Ак – кутырен келыше
почеш.

Авторын да редакцийын шо-
нымашышт түрлö лийын кер-
тыт. Серыш-влак мөнгеш огыт
колталт.

Редакцийын да издателын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.